



www.BibleForChildren.org

Mbulembu 3




Tọ dụ iya bụ, Ádamu gụa nyee
ya ono lifu, o noo nkele ọo
ya l'a-bụ ne ọha l'owhu.




Agwọ bụ anụ, shi kakọta ọgba
eregede l'iwhe bụ anụ-egbudu,
Onye-Nwe-Ọha, bụ Chileke meshiru.
Ọ bya aji nwanyị ono sụ iya: “?Ọ sụru
mbụ Chileke t'ọ bọ dushi akpuru oshi,
dụ lẹ mgbabu-a, unu l'e-rije?”




Nwanyị onọ sụ
agwọ onọ: “Anyi
l'e-rijekwa-a akpuru
oshi, dụ-gee lẹ
mgbabu-a mę anyi chọo. O chikwa akpuru
oshi owhu, dụ l'echi mgbabu bẹ Chileke sụru
t'anyi be erikwa. Mbụ t'anyi be
ejekwa iya ome ẹka
ememe owhu; l'anyi
-mekwaa ya ẹka bẹ
anyi l'a-nwụhukwa.”



Agwọ ono sụ
nwanyị ono: “Ọ tọ
dụkwa anwụhu, unu
l'a-nwụhu. Iwhe
mechiaru nụ bụ ị Chileke
marụ l'unu -ria ya; ẹnya
asahụ unu, unu adụ g'ọo
Chileke, marụ iwhe dụ
ree mée iwhe-dụ-ẹjị.”



Nwanyị ono bya elee ụnya l'akpuru
oshi ono, whụ l'ọ dū ree nke eriri;
dū mma l'ụnya; l'ọogu ẹgu t'e ria
ya maru iwhe. Ọ wota iya ria bya
anụ ji iya, yele iya tukurụ nọdu
l'ẹka ono; o rikwawho.



Ọọ ya bụ, ẹnya saḥukota whẹ labọ.
Whẹ bya amarụ lẹ whẹ gbagee ọto.
Whẹ dzukobe mkpeekwo figu nmarụ.





Onye-Nwe-Ọha, bụ Chileke bya
agbaku onye nke nwoke oku sụ iya:
“?Ọo awe b'ị nọ?” Ádamu sụ iya: “Mu
nụkwaru ụkporo ghu lẹ mgbabu, egvu tsulaha
mu nkele mu gba ọto; mu je edomia onwomu.”







Onye-Nwe-Ọha sụ iya: “?Oo onye sụru
ghu l'ị gba ọto? ?I riwaru akpuru oshi
ono, mu sụru t'unu be eri?”



Ádamu sụ iya: “Ọo nwanyị-a, i doberu mu l'iya
l'ẹka-a bẹ nuru mu akpuru oshi ono; mu ria.”
Onye-Nwe-Ọha, bụ Chileke jĩa nwanyị ono
sụ iya: “?Ndehununu g'ọ nwuru i mee iwhe
dụ ẹgube ono?” Nwanyị ono sụ: “Ọo
agwọ bẹ duwhuru mu, mu je eria ya.”





Ọọ ya bụ, Onye-Nwe-Ọha bụ
Chileke chifu iya lẹ mgbabu
Idenu, t'o je akolahaa iwhe
l'ali, bụ ẹka e shi wota
ẹja kpua ya.






Ọ chifu-gelewho madzụ lẹ mgbabu ono,
o dobegee ojozhi-imigwe, bụ Cherubu
l'ụzo ẹnyanwu-awata mgbabu Idenu
ono; dobe iya ogu-igba, l'egbu
temutemu; iwhu mę azụ t'o
cheje ụzo, e shi
abahụ l'ẹka oshi
ndzụ ono dụ nche.



Ádamu yele nyee ya lifu bya azee, o tsuta ime, nwua Kenu. lifu su: “Onye-Nwe-Oha be yewaru mu eka, mu nwua nwa nwoke.” E megee, o bya anwutafua Ébelu, o buru nwune Kenu nke nwoke. Ébelu buru onye l'akpa igwe aturu, Kenu buru onye l'akọ okfu.



O be nteke obu; Kenu shi l'iwhe o kotaru l'ali hata
gbaaru Onye-Nwe-Oha eja. Ebelu shi l'aturu ivuruzo,
aturu iya nwushiru hata gbua, butagee
ya eka o nmaru eba gude gbaaru
Onye-Nwe-Oha eja nkiya.



Ébelu mée ẹja, ọ gbarụ dụ Onye-Nwe-Ọha ree. Ọ jịka
ọwhube Kenu mée ẹja, ọ gbarụ. Ọo ya bụ,
Kenu vọru ọku ghụa ẹhu dzụkfube.



Tọ dụ iya bụ, Kenu sụ nwune iya Ébelu
tẹ whẹ je l'ẹgu; whẹ jeshia. Whẹ
nọdu l'ẹgu l'ẹka ono, Kenu ghakọbe
zụ-gude nwuneiya ono gbua.




O noo ya, Onye-Nwe-Ọha bya ajia Kenu sụ iya:
“?Ndehununu nwune ghu Ébelu?” Kenu sụ iya:
“Mu ta amakwa. ?Mu l'eche nwune mu
eche?” Ọo ya bụ, Kenu lufu l'iwhu
Onye-Nwe-Ọha, je eburu l'alị Nọdu,
dụ l'ụzo ẹnyanwu-awata Idenu.



O noo ya, Ádamu yẹle nyee ya bya azẹkwawho ọdo,
ọ nwụta nwa nwoke, gụa ya Seti sụ: “Chileke
nụwaru mu nwa nwoke ọdo, l'a-nọ-chi ẹnya
Ébelu, eshi-ọwhu Kenu gburu yẹbedua.”




Ádamu nwụ-gee Seti, bya anọfua ụnu awha ugbo
labo. O nwụshikwawho unwoke yele ụnwanyi
tsota Seti. Mkpako awha, Ádamu nọru bu
ụnu awha ugbo labo l'ụkporo awha ugbo
ishii l'awha iri, temenu o nwuhu.




Onye-Nwe-Ọha bya elee ẹnya whụ
g'ejo-ememe madzụ habe shii ị
mgboko; l'iwhe l'agbaję madzụ
l'uche ntekenteke bụ ọriri
ome ejo-iwhe.




Onye-Nwe-Ọha sụ: “Mu l'e-me tẹ madzụ ono,
mu meru tọhu lẹ mgboko. Madzụ l'a-tọhu,
anụ atọhu, iwhe l'awụ l'ewho atọhu,
enu l'ewhe l'eli atọhu; o noo nkele
ọo awụ tsọru mu lẹ
mu meru whẹ.”



Ọle Nowa bẹ túbáru Onye-Nwe-Ọha l'obu. Nowa
bẹ nwútaru unwegirima unwoke ẹto, ẹwha
whẹ bú Shemu mẹe Hamu mẹe Jafẹti.



Lẹ Chileke bẹ yenukaru ndiwhe obu,
yetabe whẹ iya nke ọwhu ọ nuru Nwa
lanu, o nwe kpụ nke ọwhu bụkwanu
onye wowaru onwiya ye Nwa iya ono
l'ẹka t'onye ọbu ba ala l'iyi. O
chia ndzụ tututu-mimimi bẹ
onye ono l'e-nwe.



Romu 3:23 O noo lẹ madzụ lile mewaru iwhe-dụ-ẹji,
shi nno nafụ onwowhe ugву ka l'ugву, Chileke
meru tẹ ya kwabẹ whẹ.

Romu 6:23 O noo nkele ụgwo oome iwhe-dụ-ẹji l'akfụje
madzụ bụ ọnwu. Obenu l'iweh ọma, Chileke l'a-nụ bụ
ndzụ tututu-mimimi ọwhu shi l'ẹka Onye-nwe-anyi
Jisọsu Kuráýisutu.

Híburu 9:27 Iweh duru madzụ bụ lẹ madzụ nwuhufutaje
ugbo lanụ kpụ. Ọ nwuhuwaa ugbo lanụ ono, iweh ọdo
l'e-mefua bụ lẹ Chileke l'e-kpe iya ikpe.



Éfesọsu 2:8,9 Ọo l'ọo lẹ Chileke l'emenuka eze-iwhe-oma meru g'o gude ọ dzọo unu. Adzọta ono, a dzọtaru unu shi l'ekwekwe unu kweru. Ọ tọ dukwa iwhe unu l'eyekwabaa ya. Adzọta ono ta abukwa obunggo iwhe unu setaru l'anya. Ọlekwawho iwhe-oma, Chileke meru unu ewoma. Tọ hẹ l'ọo nke ree, unu l'eme. Ọo ya bụ tọ bọ dukwa onye l'e-je oku onwiya.

Romu 10:9,10 Nteke ọ -bụ l'i gude ọnu ghu kfua ya kfushia ya ike l'eka ndu ọdo nọ l'ọo Kuráýisutu bụ Onye-Nwe-Ọha ọbu; gude obu ghu g'ọ ha kweta lẹ Chileke meru iya, o shi l'ọnwu teta nọdu ndzụ, bẹ Jisọsu ọbu l'a-dzọfutakwa ghu. O noo nkele onye gude obu iya g'ọ ha woru onwiya ye Kuráýisutu l'eka, bẹ Chileke l'a-gụ onye ono l'onye dọ chiri, temenu onye gude ọnu iya kfua ya l'eka ndu ọdo nọ bẹ Kuráýisutu l'a-dzọfutakwawho.



Jonu 3:16,17 Lẹ Chileke bẹ yenukaru ndiwhe obu, yetabe whẹ iya nke ọwhu ọ nuru Nwa lanu, o nwe kpụ nke ọwhu bukwanu onye wowaru onwiya ye Nwa iya ono l'ẹka t'onye ọbu ba ala l'iyi. O chia ndzụ tututu-mimimi bẹ onye ono l'e-nwe. Iwhe Chileke kwoberu zhi Nwa iya t'ọ bya lẹ mgboko-o ta abukwa t'ọ bya ekpelahaa ndiwhe ikpe. Iwhe ọ byaturu kwa t'e shi l'ẹka iya dzọo ndiwhe.

1 Jonu 5:11-13

Ẹka-ebe ọbu bụ lẹ Chileke nuru anyi ndzụ tututu-mimimi mee lẹ ndzụ ono bụ l'ẹhu Nwa iya b'o shi.

Onye yele Nwa Chileke ono tugbaru buru nnanu bẹ nweekwaru ndzụ ono, ọle onye yele Nwa ono l'ete atugbaa buru nnanu te enwekwa ndzụ ono.

Sụ, iwhe-e mu l'ede bẹ bukwa unubedua unu lẹ Nwa Chileke tugbaru buru nnanu bẹ mu l'ederu iya ngge unu makwanuru l'unu nwewaa ndzụ tututu-mimimi ono.



Mbulembu 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ezaa Bible (eza) © 2014, Wycliffe Bible Translators, Inc. in
cooperation with Abakaliki Literacy and Translation Trust

<https://www.bible.com/bible/1600/GEN.1.NKJV>

©2026 Bible for Children, Inc.

www.M1914.org www.bibleforchildren.org

